

# 紹述先生詩集

四

庫 文 閣 内			
二〇六函	一五册	三二二五九號	和書類

史

内閣文庫	
番號	和 32259
冊數	15 (14)
函號	206 1



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





紹述先生文集卷之二十七

詩集卷之七

男善韶 校

五言絕句

題紀聞小牘第五冊後 甲戌

予讀書抄其奇英釘為冊  
子先生題曰紀聞小牘

藏雖繁三餘業亦足亂抽時抄謄不覺昏與旭

遊祇苑 丙子六月四日  
八尾生招

翱翔祇樹林攀躋補陀岑簾幕倚華表壺觴醉樾陰

絕句 庚辰





勁風時謾謾素雪又紛紛絕笑庭除窄不堪聘此君  
寒夜對燈讀書憶子瞻曹溪詩和韻五首

九陌無人跡丹鉛獨對燈一床一書几興味淡於僧  
蒲團坐來穩加膏旋剔燈風傳一聲磬念經何處僧  
欲問金僊道昔嘗閱五燈死生常事耳誤却幾多僧  
真宰卑斯質誰言風裏燈世途偶失脚狼狽動為僧  
進修難就業孤負讀書燈儒士心腸軟堅忍輸却僧

近江八景

比良暮雪

千仞比良嶽凝青墮大江玉塵侵晚集白盡一枝峯

矢橋歸帆

湖頭將暮處款乃蒺漁歌忽見風濤裏歸帆小似梭

石山秋月

補陀山一曲金碧倚蒼蒼秋老嶺頭月共同千古光

勢多夕照

誰向大湖口更浮千丈橋長程行不盡斜日掛山腰

三井晚鐘

三井風霜古時聞雲外鐘斜曛看且沒又射塔前松

堅田落雁

平沙千里眼枯句立多時也著雨三雁宛然一局碁



栗津晴嵐

行行松十里源氏昔時墳嵐氣晚還暗縱橫路不久

辛崎夜雨

孤松依岸綠古廟枕江閑一陣夜來雨千重秋後山

題畫

癸未○澤英貞懇

高覺依絕壁怪樹厭危岑同是逃名者來論靜裏心

題三將軍圖

戊子

太公望

渭之水洋洋釣竿幾曾長忽際興王會牧野維鷹揚

張子房

鴻門嘗獻驛博浪復操推功成而不居高蹤誰能追

諸葛孔明

仲謀方據吳阿瞞僭都鄴草廬三顧裏指揮復漢業

次渡邊良雄丈韻

己丑○渡邊君良雄今茲隸新院宮監之籍上都寓

干北隣嘗賦一詩見寄頃又聽予講童子問惠投高作一章曰次其韵呈謝

下問不相棄漫將古道應偏驚官路劇詞鋒特峻增  
家世業書史踈慵取下帷芳隣幸相接自是語多時

題山水圖

庚寅

積水天間遠奇峰嵐際連吾無舟楫具對此意茫然

絕句

壬辰



小詩聊過日，薄酒不盈樽。濟勝烏藤在水南，水北村

溪上

溪上日初落，溪橋人不來。孤村纔有路，忽遇一枝梅。

偶成

東風吹宿雪，細水助清流。邊雁歸未盡，忽思湖上舟。

自詠五首

其一 講經

聖訓日星炳，何須吾講明。先人有遺託，徒切老婆情。

其二 讀書

鷄晨兼燭夜，佔俸未曾休。讀得非誇博，樂過萬戶侯。

其三 屬文

作文非在樂，將闡古賢心。造寫幾千字，不知歲月侵。

其四 賦詩

小詩時觸興，信口不求工。聲病尚難合，何論唐宋風。

其五 寫字

琴碁書畫樂，嗟我一無能。適意臨名帖，亦堪代結繩。

山村冬暮

向晚雪如篩，樵蕪下翠微。經過人更少，鴉入野烟飛。  
千樹葉皆脫，一村燈始明。山前收小市，漸聽夜舂聲。

小畫

癸巳○薩州，暨生重久氏懇



紹述先生文集 卷之二十一 五言雜詩

行行有底急斜雨獨行人好向前程去村酤味方新

四月七日攜家弟及同舍生遊東山戊戌

尋到殘花寺相逢携酒人蟬聲漸催夏客意勝於春

贈德島惟馨歸備後尾道甲午

之子歸千里馬頭梅未開讀書須早計好趁九春來

殘春病中丁酉

勝日病中過飛花眼底稀小園行藥罷兀坐負斜暉

塞下曲五首庚子○客冬稍間燈下漫作目淨書以寓間中丁適且要一二友生之屬和

閩外將威重轅門鼓角愁防秋兵未到日夜濁河流

荒戌月初上故鄉天一方西風消息斷慈母在高堂

疆虜塞垣迫天山雪滿時未語胡要領師出畏窮追

十年離梓里一醉臥沙場未係單于首祇今鬢已霜

久戌未歸得年年塞草春荒丘堆白骨半是伴行人

題小画工藤生懇

塔聳樹巔湧舟輕沙際浮欲求真富貴須向此間休

讚州象頭山十二境詩辛丑

左右櫻陣

南土奧區在高薨俯翠微兩行花映帶轉眄鬪芳菲

後前竹圍

萬竹森如束猗猗屯黛雲誰呼文與可畫取帶斜曛

紹述先生文集 卷之二十一 五言雜詩 古義堂藏



蘇詩卷之二十一 卷之二十一 五 出羈縻

前池躍魚

清池開一鑑，影倒弄波人。拍檻投芳餌，喁喁出錦鱗。

裏谷遊鹿

谷邃不通日，峰尖欲插天。歌兼樵斧答，坐與鹿麋眠。

群嶺松雪

支笏誰相對，參差海上峰。夜來松頂雪，幻出玉芙蓉。

幽軒梅月

幽居非世境，清馥一簷梅。山月夜深白，梢頭影徃來。

雲林洪鐘

薜荔暮雲底，清鐘出化城。不知從此裡，多少白鬚生。

石洲新浴

陽谷湧神瀆，溫蒸暢四支。振衣殊爽快，不是學湘纍。

箸洗清漣

箸川清似洗，風攪水紋浮。流菜家何在，知應住上游。

橋廊複道

複道跨空碧，人行虹影中。奇峰眼底起，前路失西東。

五百長市

萬室依山列，朱陳自成村。若為避秦者，遐索問桃源。

萬農曲流

抱村溪一曲，餘潤澤蒼生。社酒人人醉，秧成數日晴。

紹述先生文集

卷之二十七

六 古義堂藏



勢州某童子年甫六歲能佐大字予未識其人  
或丐題其上幘曰裁一絕以勸之云

妙齡懷偉器能運筆如椽歲月後來多典刑希古賢

題扇頭

壬寅○香  
川大佐懇

此君有高操離立勢千尋不向朱門茂歲寒綠且森  
吉雄氏席上用和歌末字次韻癸卯

五十年前契相逢尋舊盟堪俱消白日松翠蔭南榮  
享保辛丑歲予携弟長準與木村重經明石景  
鳳二生遊丹州和田莊窮登涉之樂者餘浹旬  
矣既歸邑之耆宿堅田三隆翁錄其景勝請予

之題詩以傳後葉其地在千峰萬壑之中溪山  
映帶幽致殊可想也為賦八絕題曰和田八詠

云

和田邑居

初和田日州自信州和田來移至其子成長  
天心中置寨曰蛇山岩尾城名邑曰和田今  
城廢邑里  
尚鏡阜

山中有聚落忘却在山中屋宇人烟簇依然古遺風

佐野古壘

日州之後佐  
野總州代鎮

當日干城任遺蹤何處尋一堆荒壘在老樹屬春深

八幡萃表

昔者秩祠為本州第  
三社曰正一位三官



丕顯斯文祖維皇帝德傳又於窮谷裏尸祝幾經年

宕峯行祠 有白雲山行祠

小山擬宕阜廟貌此經營唯有白雲起白雲不負名

親緣樹色

佐野總州既失邑慶長中卒于江州木戶親緣寺即其所創建文牒尚存

雲木招提古百年人世移誰來禪室裏靜賦看山詩

八子舞榭

八子大夫世能散樂豐臣太閤時賜邑在和田八歲名技故氏曰八子云

古來傳散樂八子有能名舞榭今尚在世家不墜聲

石岑疊翠

石金山又曰石岑秀於諸山

一拳冠衆嶽千古綠崢嶸爽氣朝來好誰為支笏

船渡板橋 邑東有橋曰船渡

青溪流若帶求往可容刀布置自然巧當中跨一橋

題画

甲辰○坊城俊將公求○白鷹凌霄

萬里鳥飛絕凌風逸翮輕只看莽蒼裏雪羽特分明

又 長衡求

兩峰雲木合古屋倚崔嵬長嘯人何在不容俗士來

題畫蘭

新川生求甲辰

彼美一人兮僊衣不惹塵欲往從之兮空谷十分春

画竹

長衡懇甲辰冬至日

珊珊鳴佩到頓報一庭秋誰把此君節漫封滿麗侯

席上題瓶裏梅 乙巳



夢境姑山近，虛無未認真。誰從深雪裏，分我一枝春。

自君之出矣 四月廿一日 香氏

自君之出矣，低摧掩朱扉。蟾子不報喜，隨意棲翠微。

自君之出矣，秋葉幾度飛。緘上寫平安，擬寄邊雁歸。

自君之出矣，未曾製新衣。時與小姑語，山月落羅幃。

題富士小畫 乙巳四月 朝倉氏請

生綃不盈尺，芙蓉一朶青。相看應不厭，何復問敬亭。

宮詞 七月初一日 淺井氏宅

嘗得良家選，十年不識君。忍看宮樹老，和淚落紛紛。

九門華月入仙樂，夜深聞阿監傳宣。召登時著繡裙。

舊侍尚衣局，朝朝進翠雲。更緣新幸問，故事說慇懃。

月下聞砧 八月廿一日 猪飼氏宅

寒杵下當響，擣殘月滿天。只聞來枕上，不識自何邊。

衆星環北極，孤月掛中天。不為清砧動，幽人自少眠。

訪隱者不遇 十月初一日 宜全氏宅

偶訪山中客，蒼烟鎖薜蘿。唯留兒看舍，壁上掛枯蓑。

次菅麟嶼氏元日韻 丙午

夙占瓊林宴，來逢輦下春。將何盒洪造，祇與簡編親。

題松梅圖 丙午四月 玉橋氏懇

瓊姿欺雪，粲鍊幹帶風。蟠臭味共相倚，歲寒盟未寒。



殘春對雨

五月一日  
淺井氏舍

誰得留春住，賽蘭香燼時。一庭花狼藉，枉恨雨絲絲。

題畫

豐州綾部氏懇

天心孤月在雲外，斷鴻聲誰住。無人境，相看何限情。

又

朝倉氏懇

半天聲作雨，滿地影鋪雲。不待歲寒日，挺然已絕群。右

橫斜纔半樹，疎影落輕綃。祇與雪俱白，何曾與雪消。右

蓮池夜酌

七月一日  
井上氏宅

有客乘涼到芙蓉，初出波。祇知將進酒，不問夜如何。

殘菊

十月十一日  
直齋氏宅

彫零兼採摘，纔見數枝黃。無意露周宴，傍籬賞露香。

次那波春朔氏歲首韻

丁未

予未面春朔氏，聞其才器夙成，已知嚮學。因次其韻，以勗成立云。

栢酒拜重慶，辛盤迎賀賓。新詩忽到手，千里一般春。

題畫

小貫生懇

誰倩惠崇筆，分來秋半江。枯蘆纔帶葉，宿雁自成雙。

題扇頭

淺土州刺史，求戊申八月。秋海棠。

雖非西蜀種，酒暈儘風流。留得三春色，嫣然笑九秋。

題畫

己酉。鳥飼翁求。叢竹雀樓。

勁姿無俗韻，密葉引涼颼。微物亦知足，啾啾占一枝。



續文獻通考卷之二十七

荷葉翡翠庚戌

芙蓉無舊態，擎雨蓋猶新。獨立秋江上，翠禽不畏人。

富士辛亥

影落青天外，根蟠日本東。蓬壺知即是，忽現寸眸中。

田子浦

田子浦頭晚月明，雁叫秋秋光來。几席教我喚扁舟。

三保

波撼萬松翠，羽衣何處求。雙帆天際掛，無是汗漫遊。

題象畫

壬子六月朔

異獸南國來，快觀星鳳然。偉狀超羣類，爭作畫圖傳。

舟中卒和子佑丈人韻

一日中并賢兄携子及諸人遊次舟中見豚韻

唵中山色近天際，櫓聲來幸有陽春唱。又逢小雨催

享保庚戌，詣勢州將歸宿于閔町吉田生宅草

卒題扇頭云

多日嘗相識，討論傾肺腸。同來同投宿，忘却在它鄉。

是歲壬子季冬，又來見索淨書，因改寫又廣韻

以還之云

別三霜後相逢，轉斷腸。慙君命駕，意不是鄭公鄉。

侄世德年甫十歲賦元日詩，其父自福山寄送

曰次韻以勗之癸丑



嘗修初度慶已及十回春偏喜方年富須知要日新

題畫扇 癸丑六月在大坂為清泉氏書

松翠染人袂泉聲清耳根丹青真有意盈尺貫丘園

題畫鷄 為村尾生書

金距爭雄日紅羅得寵回却來修竹裏隨意啄蒼苔

題畫 中山清五懇

樹老藤蘿掛異禽不識名悠然相對處彷彿聽丁丁

題家藏畫軸

白井友軒翁登歲嘗見先子至今相面每飲稱遺德不已兼巧績事臨錢舜舉花籃圖見寄曰詩于上幀以傳于家云

一籃花攢簇雨露活精神不與燕鶯去終年領豔春

唐畫梅贊 甲寅五月大坂土岐侯府士三浦庄大夫氏懇

憶得羅浮曉玉鱗未肯飛夢回香不盡翠羽故依依

題畫雞 應一品公寬親王教作進享保甲寅賜月

逢斯無事世誰復舞中宵好倘書窓宿膠膠伴寐寥

任世惠賦菊詩寄呈請正因次韻以獎之

聞說南陽菊刺看節後妍清香隨綠葉併到洛橋邊

墨梅 乙卯○京尹府三浦氏懇

祇能模玉骨那復著鉛華雪霽月明夜應看踈影斜

題扇 佐佐木祐安生求



嘗嫌城市開去道萬山中山中何所厭出遊一室空

題長英扇頭瓜茄乙卯八月

茅厨常索莫留客苦無緣欲止梅林渴瓜茄累歲聯

題山水畫河合生懇

盡日江山勝莎衣罷釣回模糊烟樹裏只認酒帘來

畫鷺乙卯十月福知山中山氏請

啄不下白水飛不上青天偶尔底心性獨立老樹巔

桃樹卧牛圖丙辰三月為伊良子氏書

曾放桃林野相羣樂幾春莫嗟無事世間喘更無人

題散馬圖

此辛卯歲三韓画史朴竹里所寫也或徵子題詩曰賦云

何曾貢華厖幸免困鹽車伯樂不常有徒然說渥洼

附六言

題扇戊辰

斜日雨三箇雁平岡四五株松洲沙風急翻白岸草

霜清弄紅

題畫庚寅

滿目青山野水一村翠柳紅花白雲深處啼鳥綠樹

陰中有家

早春野望丙午正月十一日香川氏宅

名迹先生文集

卷之二十七

十三 古幾堂藏



薄遊時踏青甸一望平川茂林樹樹高低雪解村村  
遠近雲深征鴻已動歸思幽鳥方遺好音松下苔筵  
可藉與期重期瑤琴

七言絕句

陪平井春益筵次赤正逸韻丁卯

天助斯文猶未喪相共論古近燈光熟談恰似舊相  
識為謝厚情詩一章

次平井春澤冬夜迎客韻

主人迎客意還厚斟盡芳樽漸已空窓外蛩聲永今  
夕清談相對剪燈中

次村上元純冬夜迎客韻

簾櫳月冷疎梅影玉漏夜闌聲更稀投轄主人情轉  
懇却忘扶醉朗吟歸



陪清祭酒筵賦冬夜月

風肅霜嚴夜氣清，一輪皓月當空明。敲冰曉鼎獨烹茗，陶穀清標得我情。

又賦山家雪

山店無人終日寂，出門深雪沒芒鞋。一望四野杳無垠，忽見凍禽下玉階。

夏初遊于八坂席上次蕉函韻戊辰

輕煙薄靄半陰晴，嶽色朦朧檻外橫。冉冉脩篁弄新綠，忽聞啼鳥兩三聲。

樹色蒼蒼雨半晴，崢嶸塔影几前橫。小亭盡晝寂寂，

裡寺遠疎鐘時一聲

十菊詠

四月廿五日應山本通春之需焉用和歌題別有後序

池荷半敗綠帷衰，岸柳既飄翠縷垂。幸有黃花管秋

色，今朝初見兩三枝。右菊初開

正是滿階落葉時，金英衰露數枝奇。半開半合秋風

裏，須酌芳樽傾酒卮。右菊半開

十月初寒百卉萎，此花獨自見仙姿。淒風籬外無人

到，節後猶開三四枝。右菊久感

滿眼景光儘耐描，西風徹夜自蕭蕭。月明一夜照瓊

檠，却訝曉來霜未消。右菊似霜







池亭涼處移床坐，風送荷香水氣清。  
一枕新涼侵膚爽，讀書獨樂古人情。

荅渡邊希憲三首

山本通春鹽秀，實吉岡師約。早水甫義皆有次韻。希憲

既歸日州，以俗羈紛擾，不得來于洛。以一詩見示，諸友予因賡其韻。

徂歲秋初餞，故人回頭又是過。  
青春水雲隔斷三千

里，何日盍簪共輔仁。  
踈庸猶未免鄉人馬齒既隣二十，春莫道遐方乏師友。要知躬行恕兼仁。

交友難逢有志人，悠悠閑過洛陽春光陰。  
易老學難進，須是切磋求至仁。

次早水生重陽韻

九月念三日

陶令一嗔人膽炙，到今騷客惱詩魂。  
黃花籬下秋尚淺，畱取甕頭酒滿樽。

次井狩君有所思韻

仲冬初四

喜君嗜學未嘗休，官暇讀書二十秋。  
此夜清談無俗話，不知何日作奇遊。

雪已已

滿庭積雪白皚皚，糝徑玉塵埋。  
綠苔自恐履痕印，砌倚欄不下暫裴回。

閏正月朔



春光九十常憂短，幸是今茲一月多。雖是今年多，一月四分之一既經過。

庭前梅花初開

茅舍竹籬，洛水涯。疎梅初發，野人家。欲知春色十分處，看取枝頭第一花。

王昭君

昨日漢宮眠錦帳，今朝胡地飽腥羶。區區何恨丹青手，禍福從來皆自天。  
嬋娟傾國是身殃，曷若無鹽安舊鄉。風冷穹廬眠不得，琵琶彈罷撥胡床。

春夜雨

莫言一刻千金夜，空守殘燈送雨聲。堪喜明朝快晴後，池塘春草逐時生。

次韻酬信甫見寄之什

不見阿蒙既三歲，憑誰今日荊心蓬。馬蹄早晚西來去，破却東溟萬里風。

冬夜

瓦雪簷冰寒一夜，黃梁夢裏入清晨。布衾如鐵恣風切，冷却床頭斲睡人。

焚書坑



燔書戮令自咸陽千歲腐儒咎始皇假使當年都燒  
盡在人六籍豈能亡

秦政暴橫天所絕詩書蕩盡惑黎民當時六籍何難  
索却恨沛中馬上人

偽典竄經日日重王猷梗塞賊民風何人更借祖龍  
手焚却咸陽煨燼中

梅薰風 庚午

窮巷寒門短短墻疎梅花幾占春光清標莫道無人  
識風末時傳一點香

寬居子見寄盛什壹章次韻謝之

故人卜築浪華隩獨味道腴自養痾性懶居諸常玩  
惴無繇欲逐白駒過

訪梅嶺雲禪師

共候秋晴到上方綠陰深處唄音長明窓淨几無餘  
物折脚鐺兒野菜香

遊天王寺

麗譙高擁入雲罅塔穎上連閣道隆廟宇不知梗民  
牖輝煌金碧護豐聰

聖德太子

當今日出聖天子桂籍本支百世蕃若使九京得重



佐願將無恙報中原

高津宮

嘗憂民隱軫宸衷比德堯塔與禹宮板屋土墻皆樸  
素想看聖帝古遺風

難波橋

長橋一百八十丈宛轉虹腰割碧濤况有攝城宏麗  
觀遠洲孤島入唵毫

冬初上東山遂到石處士舊業

薜蘿深處入寒雲孤杖幽尋惜日曛時見月鈎上平  
楚東臯歸路帶微醺

峭壁攢峰簇白雲孤嵐乍斷映殘曛寒流野約歸途  
黑水氣時醒酒氣醺

竹有和氣應大醫院今大路氏之懇

主人憐汝素清堅千畝交陰自渭川濃綠拂雲生意  
遍兒孫戢戢共森然

庚午南攝之行豫州大須邸官來謁先生饋以

假山蓋其地所產也其狀兩峰屹峙一道白條  
界其中宛如瀑布先生命之曰小廬臯子曰題

曰

造化無心斧削工緣何偶爾作雙峯如看廬岳最高



處雪濕一條隨碧空

辛未之夏陪司馬藤公之遊梅熟琦子之院賦  
正是殘花新筍節芒鞋黎杖到珠林俱衝晚雨將歸  
去修竹叢深鳴好禽

嗣林九成遊鴨河小樓韻

予素不能詩時時為人所索不得已而應之亦窘甚林九成與其友遊鴨河小樓賦詩請予賡韻予不預其集亦不盡識其人然其遊皆風騷之嗜而非世之徒事逸遊者之比可詩而可文固不辭之而亦欲之不知其遊如何慕聖賢從容之遊乎效方小曠放之遊乎麴蘖冶艷之遊固所不問吁其遊固一而情狀大不同觀者其擇之勿作尋常盤遊看也懇迫弗置  
迅華酬謝

羣英此日聚燕臺累牘奎章照酒盃春色西東何處

好唯看前嶽送青來

巨浸迸綠漸瑤臺詞客此來傾幾盃堪恨吟筵無獲  
待要聞何日又重來

石橋過處到泉臺高致豈但在酒盃幸是喧埃不相

累想望花外小車來

聞說鴨河河上臺尋芳裁句共傳盃課書幾冊猶堆

案新綠日長葉下來

昔時真逸住雲臺豪蕪時斟濁酒盃今日盛遊追遺  
蹟鴨川清處弄芳來



吟身不肯到陽臺，對酌臨流又一盃。  
借問爭遊探春客，劉郎此地幾回來。  
山椒遠聳般若臺，登覽終日盡吟盃。  
晚鐘一吼殷雲際，野徑幾人衝暮來。  
共拉親朋上野臺，驢山望水且含盃。  
白雲自向東岡去，碧玉流從北嶺來。  
垂楊綠合似章臺，散出盡歡三數盃。  
欲為詩脾除宿醒，一行山雨襲衣來。  
素瑟角中登古臺，春醪初綠屢傾杯。  
山西日落半規影，晚笛遠從風外來。

贈復軒在東武

時復軒與吉富二生寓小出侯館故三四及此

多年講習事書詩，為喜東遊際盛時。  
借問侯門珠履客，囊中穎脫者其誰。

題扇 淺井明光題

輕舸盪波橫水涯，垂髻鶴髮弄荷花。  
應嫌眉斧解亾國，不畫遊人隘若耶。

野月露冷日野藤，公席上賦京恩。  
意欲風和嶽西疇，南畝稻梁肥皓魄。  
當霄遠散輝欲曳，吟筇尋勝處又思行。  
露布明珠，仁獸遊飛梁。



嘗濡醲化出虞唐戴義抱仁呈厥祥帝德而今光有  
截林郊來止至飛梁

涼風徹蒸暑

炎威赫赫蒸穹蒼矮屋無由欲取涼忽被薰風吹徹  
去送來滿院芰荷香

秋日初訪金妙輪上人

同遊循洛到精廬蕭寺門深來客踈又重老僧炊爨  
累竈收秋葉煮園蔬

田園春興 壬申

膏雨千畦潤若酥紺牙黃甲一時蒸杏花村落勸農

虞風物而今入畫圖

早春郊行

閑身不是宦遊人步出郊東值早春春樹依依風未  
軟烟霞何處覓芳辰

春燈

獨惜春宵出小廊上欄花影散清光歸來剔盡篝燈  
暗未了几書尚數行

春海

熙熙瞰碧海之東光射巨濤欲湧紅一點征帆速如  
矢忽從霞外逐春風



春夜雨

二月十六日  
日野公詩社

和氣釀成春滿村，又看夜雨長。苔痕自茲騷，客少詩料理，却宓妃冰雪魂。

小扇撲螢

深宮曾不見君王，鎖住年年苦夜長。應如宵行飛自在，故把紈素撲流光。

是日和冬嶺村公韻

五月二十七  
日古峯之招

芳園十里距京師，難柰陌頭車馬馳。是日淫霖稀履響，團圍幸足與論詩。

池面水平蒲列戟，砌頭雨足草鋪茵。一亭岑寂日方

永絕勝豪華，醉盪塵

歸鳥投林向晚咻，啾啾嘖嘖破清幽。詩談騷話遣塵

慮，佗日須思今日遊。

少將愛宕源公席上賦

王侯亭榭綠陰中，雨洗天衢爽氣濃。是日幸逢退公暇，論文不覺夕陽紅。

再過詩仙堂訪三好安宅夫人

松杉衡宇映秋晴，尚有昔時真逸情。今日梅閑重剝啄，擬追六六舊詩盟。

八月十五夜會方維文宅分題得秋雨



比來霖霖不期晴，慵扣衡門尋舊盟。忽有溽風吹葉落，却疑秋色惹詩情。

山寺避暑

寺依丹巘翠崖間，誰植松筠傍曲灣。忘却炎天矮屋苦，清凉更覺出人寰。

應國子司業澤公請賦龜

荇渚蓮塘紅蓼灣，兩三出曝戲潺湲。泥中曳尾君休笑，舉首亦能解戴山。

金紫光祿大夫伏原清公庭上櫻花

春色偏宜學士家，一株香雪白櫻花。華堂暮景映青瑣，濃艷妖嬈奪彩霞。

東川子宅看牡丹

露凝紅粧欺渥丹，砌頭巧搗竹欄干。料知東道培灑苦，不許來賓容易看。

烟霧散春晴右司郎中日野藤輝光公懇

烟晴霧蒸十里隄，山容巒巒沒東西。光風一陣登時至，旭日清和好鳥啼。

若艸

郊原煙暖渺無窮，如禱如筵碧且濃。日暮王孫何處去，楚江水漲草茸茸。



次主人韻遊清水寶性院

踈雨雖遮檻外山，却令秋色滿禪關。西南闌闌一望，裏且得騷盟半日間。

右司郎中日野公席上分題賦圍爐

時亞相華山藤公直持銀青勅解由藤公光拾遺芝山藤公豐同

相對竹爐茶氣新，旋煨楫拙與烏銀團。團話熟，頭戴戢却笑剡溪曉，棹人

又得寒月

凍雲冥合四山寒，碾出玉輪影正團。不似三秋良夜，看清光射雪落庭欄。

或夢富士請題

夢登巨艦泛東溟，萬里渺茫海色青。乍見士峯八千丈，曙光射雪曉熒熒。

梅雨甲戌

溟濛雨氣鎖京城，雲密更無一點明。遊子不知農務急，却來屈指擬新晴。

分得夏月閏月初四古峯宅

飛蓋橋頭夜已深，月明更絕點塵侵。千章喬木鬱成嶺，忽放清光穿綠陰。

小西氏席上次閑齋韻大坂人



熟梅雨霽訪幽館樹色滿街氣象新又喜南州風土  
好浪華多見好文人

豆山肖像贊并序

豆山居士姓山本氏名通春承乃翁舟木先生之業尤善和歌且耽詞章兼通翰畧之策卅六七歲時自寫其真頃來巧題因系以詞云

東道從來巧寫真青衫烏帽儘精神雖然曾學萬人敵風月而今屬此身

松

如雲如蓋據陰厓鬱鬱森森蒼玉枝何辨秦封與夏社歲寒不改後凋姿

鶴

丹頂縞衣玄作裳芝田日暖唳更長九天雖警露華冷勿入鷄群戀稻梁

竹間梅

庭外千竿修竹叢野梅斜出一枝濃子猷愛與和靖節春色併看一徑中

門外柳

衡茅雨腐鎖柴門日永唯聞鳥雀喧宅邊嘗植五株柳典午風流唯此存

茅舍夜燈

播之赤穗淺野侯家人別業八景之一九月十八日岸本惟明題



古屋半間何處村一燈影遠射柴門寒砧徹夜聲聲  
急幾度枕頭攪夢魂

豆山子繪其先人遺像裝潢既成掛之本園僧  
會會諸友用豆山子和歌末字押韻

十一月九日井原道悅惠藤一雄江  
田章芥河諒及子并二弟從先生到

遺貌巧描拂素縑吟髭閣筆幾回拈音容雖遠尚如  
在追憶而今孝思添

富士

雲中突兀碧玻璃八柱擎天勢最奇氣壓秋津六十  
國能持乾紐與坤維

中元後會古峰子宅 乙亥七月  
二十一日

又倒綠樽醉臉紅欲搖輕篋取清風是非要路附炎  
客真率會中古道濃

耶山晴雪 槃山僧義仙請塚  
邑某氏莊八景

佛母峯高數百尋西控蒼海鬱森森千巖晴雪未消  
盡好與幽人助朗吟

十月十四日從大人造小倉山弼秀才敦衡二  
季從至寺雨甚持傘展墓夜深而歸

偶造小倉山上寺寺深僧老思依依松楸隴上拂秋  
雨展墓焚香日暮歸



嗣韻謝莊野氏見招

十一月十五日酒井河内侯家人庄野昌重見招

笑口為君暫得開，蟬聯佳客共隨來。世家武弁交情在盤裏，香橙瓶裡梅。

臘月初二古峯宅會時家父講語孟字義

烏兔昇沉歲又除，從來學殖奈何踈。淒風吹雪九衢曉，莫逆會中飽讀書。

再和謝之臘五日

從來狂態未曾除，每恐向人禮法踈。健羨漸次趨簡易，須繙鄒魯兩篇書。

鄒魯之書無刺，除畫蛇說著意及踈。飢而食兮渴而飲，莫以繁言殺聖書。

約齋見招分題得雪中獵臘月

雨血風毛獵未休，草枯塞外白雲愁。胡風吹雪陰山北，番馬帶禽日暮遊。

伊吹初雪丙子○此觀鷄足院懸垂影亭十景之一

一邦巨鎮膽吹峯，神劍斬蛇留遺蹤。陵谷變遷千古後，尚看十月雪初濃。

題長岡老盤庭前紅梅

名意丹字誠甫號規矩堂二月二十五日同家君造



規矩堂前一株梅，肆筵啜茗且銜盃。天機巧處更難識，素袂變成紅錦堆。

春晚遊古峯，氏鷹嶺別業。三月十日

竹疎松密數家村，柴僕擔頭唯一樽。地確聲休山犬吠，時看稚子出侯門。

自嘲

日出而興日入眠，眼驚歲月暫時遷。坐糜穀帛更無用，浪說讀書學聖賢。

美馬君善平仕于阿波，侯以文學為任。久聞家君之道，遠到京師，僑寓期月將歸，因次君贈家

君韻以贈之。四月六日

巨艦乘風南國春，來逢華洛艷陽新。自今持守簡且易，養性存心自在身。

慰朝倉孫六喪，乃父茂入翁。

靈椿嘗擬八千春，風樹臯魚動念頻。莫道自茲無孝日，立身行道要終身。

吉弘以三翁後園紫藤。四月十日

買得郊西百畝園，柏屏菜圃竹成門。紫藤一架玉千縷，移榻開樽看到昏。

夏日書事



書樓客散拋書睡為報午飧驚夢回忽聽警然簷瓦  
響隣童偷眼打青梅

題風早光祿藤公庭上松

勢欲凌雲最壯哉養成長免斧斤災行逢封爵至尊  
賜豈臥澗唇棄異材

題隣舍時伊藤吉井  
二生寓隣舍

長笛不聞豈動情夜深隔壁讀書聲流螢一點過  
到應是分光助我明

即事

凝眸倚檻弄吟髭來客錯言苦索詩拍手呼茶呼不

答却驚暮雀起深枝

話倦短宵忽四更歸家宿醉未曾醒亂書未帙背燈  
臥假寐不知西牖明

河邊避暑

晚來浴罷汗稍收共出河湄移榻休時有友人步涼  
到送茶稚子指牽牛

含玉神泉

泉在豐前彦山嘗有龍王獻珠之異冬夏不涸  
彦山下宿龍池長見紺寒走碧漪冬夏不憂盈與  
涸雲蒸靈物蜿蜒時

紹述先生文集

卷之二十七

三十一 古義堂藏



雙峯夕照

峯在豐田河郡形如箭括又名箭括山彦山八景之一

形如箭括勢將抽葱翠挿天飛鳥愁想像廬峰雙劍勝斜暉爭若此山秋

題富士畫河副氏懋七月三日

雲端回首士峯巔數箇征鴻數點船恍惚不知山是畫飄然却欲問飛僊

唐巖絕壁

在土州佐川鎮景勝似石山佐川江田成章今秋休于浴設十景題此其一  
峽巖斗絕石成圍炎徼山川此最奇取置長安千里

裏歌廷吟履幾回移

東峯秋月辻昌堅東山別業十景目方默堂請

亭住普陀山色深好看新月掛東岑四時賞詠雖無別此處秋光偏適心

應中野伯仲之招遊靈山宿阿彌亭

十月廿六日豫州松山城主邸官中野信安清大弟信房茲見招山通春中村菓芥河時亮水谷某及弟長敷至

開宴此亭嘗壽親曰君今日再遠巡城東勝地知為最遠寺近郊到處新

君臣美濃部車請阿州人



聞說賡歌治古風，虞廷氣象禮兼忠。天高地下分維  
隔，須要交孚誠意通。

松樹契久丁丑○應邨井  
氏母六表壽

六表令萱初度期，寒松比節露貞姿。要者遐算俱無  
極，不似杏苑競一時。

遊仁和寺三月七日吉弘翁招先生及  
畫師土佐光口及予二弟到

沃田十里久休耕，帝子此來構化城。嘗植山櫻今滿  
地，出處聲歇醉歌聲。

龜山訪杉原君

峽東溪盤數里行，長坡盡處忽孤城。主人又有遊遊

約未到預馳遐想情

詣泉涌寺三月廿  
九日

聞說靈泉涌，此中更沿回。磴到琳宮五，陵七廟樓真。  
處遺澤尚思松柏風

漫興

矮紙斜行抄古詩，巧詞多處寫遲遲。兒曹案上披昏  
睡，禿盡鼠鬚也不知。

小河立所小祥忌

半生齋志老韋編，薄命纔登來字年。白璧揜光黃壤  
裡，塚頭掛劍淚空連。  
茂寔四十八歿  
故用何祗夢事



放言

字曰漫筆人呼古詩不成章却類真食粟而今無一事放言閱盡幾春秋

鶴洲生席上得迷字

十月十七日中村善八招損齋存亭中涯希八維八

及二弟

又回鄉且到幽棲杯酒昏昏意轉迷燭影促歸人未散生憎隣舍五更雞

疎簾看雪捲

比日畏寒長掩扉瓦甌斟盡意闌時乍看前岳朝來雪急捲疎簾求好詩

寒夜客來茶當酒

得寒字

雪虐風饕半□寒剪燈話舊共團圍比來久被麴生絕更情酪奴為盡歡

應粟山本尾二生招次垣内生韻

十一月三日時諒

義凱及二弟到

主人好學潔文房瓦研模形漢未央今日同攜同社友或詩或茗或傾觴

次九成韻

十一月五日林九成招着水寅所親長特甫良敬時亮岡玄昌從先生到

豈求太乙杖頭光銀燭滿筵客滿堂且喜同來一時傑亂抽架上拂芸香



對酌六日寅所詩社題

却嫌獨往少風流更拉隣翁興自由厚祿故人飲  
伯山花開處苦相求

飲豐田立成宅得霜字題冬夜

此身十載對青箱今夜圍爐話心長陳迹追懷如昨  
耳嘗遊知歷幾星霜

宴大澤元悅宅十一月廿八日景賢時亮良致義凱成美景房可興及二季至

青烟銀燭宴高堂已見葭灰動一陽他日青囊傳秘  
術滿園種杏廣僊方

雪晴臘月六日小倉恭詩社題

滕六方驕意氣濃欲埋萬壑與千峰借來天上黃綿  
襖驚起陂頭老臥龍

是日探題賦燈下圍碁

燭吐青煙寒漏長臨機着着共爭行願求冷暖玉碁  
子取擬宋人龜手方

又元剛知竹時亮知幾錢亦則之到

此身久矣任天遊尚着儂家舊弊裘花落寒燈人不  
語時看飛玉響紋楸

贈三浦丈人戊寅○去年歸國仕于并伊侯

廿年淪落茶旋日綠髮離鄉今白頭又想徘徊渾府

紹述先生文集

卷之二十七

三五 古義堂藏



裏三春花洛憶嘗遊

書劍生涯隨水雲一妻井臼代耕耘而今贏得罷官

日嘗在士林學績文

子稜釣臺

三月六日並  
河知竹社題

九葉赤劉光復日合攀鵬翼上丹青狂奴何足干天

象浪說桐江一客星

酬本山看雲子題農圃漁樵圖見寄

丘岳可樵海可漁世間未看入圖書只今收拾好風

景半幅鷺溪便卷舒

錢神振古貴如兄招致勞心了此生官路能諳農圃

趣披圖一一覺多情

紹述先生文集卷之二十七

紹述先生文集

卷之二十七

羊夫古義堂藏



紹述先生文集卷之二十八

詩集卷之八

七言絕句

漁家

戊寅八月十一日  
元悅宅

家在岸頭身，在波長隨雨笠與烟簑。  
晚來浦口望雲際，款乃聲中舟若梭。

開林出遠山

同上  
探題

何處更縱千里目，松杉影密掩岩高。  
無端洗去可憐朵，露出孱顏一片青。

紹述先生文集

卷之二十八

詩集卷之八



菊契千秋

村井珉安  
六十壽

濟生嘗游上池，浪花甲今年方一周，甘谷水清，宜養壽長，看黃菊契千秋。

九月十三夜金紫清公席上

從先生到一色嗣  
微子并踰義至

最圓之夕先三夜佳月之期後一周間說寬平開此宴賞吟恨不遍中州。

是日分題得待月

新月坐來尚未生，倚欄待處亘為情，須臾碾出山東畔，乍喜天間一道明。

寒月

十月五日誌友  
會余宅探題

閑來無事礙清幽，落木蕭蕭不耐愁，只有山頭一痕月，凍雲如海影如舟。

橋頭梅

十一月五日  
義安宅探題

誰植疎梅倚斷橋，好令寒碧印冰條，回頭又有四山雪，準擬明朝携一瓢。

樓上觀山

己卯

遠岫環樓當畫屏，飛雲影斷落巖扃，閑來欲得好詩句，檢點晴峯數朶青。

岸花飛送客

綠暗千村黃鳥稀，偶沿回岸醉吟歸，殘花似解傷春



意箇箇且為逐馬飛

朱雲折檻圖

小畑氏目冬嶺丈請

槐里一封聞九重獨攀殿檻効孤忠爾來此事無人

繼尚託丹青想古風

世上豈無攀檻人古今常苦觸龍鱗豈唯槐里好忠諫自是官家愛直臣

默所席上次恬菴韻

斐几鐵檠知幾年今宵聚首又樽前杜詩韓集尋奇句話到月華掛半天

種樹某氏園

四月十三日小堀君宅講孟子浩然章補後俱君觀一條街花園

偶來種樹郭生家一場妖紅奪晚霞豈但茅擔清若許滿尊美酒滿甌茶

嗣津田君和歌韻

四月十六日郡山家令津田某旅館從家府至

城南幽墅綠陰新也著薔薇後晚春前席論心亦何雅得閒幸會好文人

秋懷舊

杉平吉乃考七周忌日重陽

深院秋荒菊綻時滿城烟雨覺淒其陳人已與流年遠徒起子孫風木悲

山家月

九月十三日伏原清公席上

崖腹危亭誰又尋徑苔不見履痕侵吟髭撚斷秋風



底新月一泓屋後岑

松雪軒

庚辰○越前小  
武友梅翁求

一夜玉龍酣戰，回乍埋半壁翠雲堆。齋中老子息機，  
久看雪對松忘世埃。

扇面

垂楊暗處，麗眉叟踞石鼓琴，且弄孫，不向江湖縱。  
葦應無漁利，釣名心。

八十八翁西三博老，醫曰人求嗣，其韻。

百歲尚餘十二，春雪華孰與筆華，新欲知渭上老人，  
壽道骨仙風自有真。

題梨花

二月廿四日  
小堀君懇

淡淡輕風漠漠雲，東攔一樹昔嘗聞。生憎冷艷白於  
雪也著月明清十分。

光祿清公第賞花，次家君韻。

三月  
朔日

輕陰將雨濕紅塵，繁華高低次第新。休道庭除耐旋  
馬，風光占斷洛陽春。

七月三日雷雨清，司業公忠量，席上作。

千丈火雲紛似綿，忽成驟雨落階前。怒雷一吼驚山，  
起驀地拓開胸裏天。

席上次司業清公韻。



一道淒風蚊陣收，塔除雨歇似高秋。有詩有酒吟還酌，不羨隋宮清夜遊。  
萬珠繞屋汗稍收，樹葉颼颼聲欲秋。須卜清風明月夜，琴詩酒裏繼良遊。

次並河簡亮病餘作

夜來一雨洗塵寰，蕉葛淒其毛骨寒。行藥君今有竒策，些涼放杖問青山。  
圓顱方趾滿區寰，唯解附炎與棄寒。才器如君須自惜，前程事業重丘山。

讀名山記

掌中黃卷臥游時，讀盡楚山越水竒幾度。欲航滄海險風波，令我<sub>多</sub>去遲遲。

悼三友

墳麓當日有英名，相繼淪亡事更驚。身後無人收遺帙，唯聞慈母哭兒聲。  
悼真 瀨生  
性癖耽書務，索新購求。騰寫費精神，老天欲假玉樓手。鬼錄更添一箇人。  
悼美 濃 部生

嘗探藥苗每愛山，十年知己咄嗟間。黃泉消息有誰報，一篋殘書他日顏。  
悼北 山生

小野寺氏

秀和字 十内

母某氏九十壽

淺野内匠 侯京邸官



羨君官政不遑時，慈母九旬絲髮垂。况復一堂不違養，更無晨夕倚門思。

送自隱師東行

斜日長亭不記程，青山簇簇海雲橫。除孤筇外無他物，身事輕於秋葉輕。

嗣南園迎客韻

十月十三日  
林九成宅

又是橙黃橘綠天，樓頭把盞月華鮮。休嫌供給任真率，樂在亂抽滿架編。

座中津津談世之貴富，戲贈一詩

世味濃時道味淡，塵心除處真心清。與羨一旦儻來

物，須成千古不磨名。

贈人

羨君多暇且留連，綠酒紅裙只懶眠。如有閒錢就君買，人生幾箇四三年。

嗣春澤丈寒菊韻

庚辰十一月九日  
清公席上

雖殿衆芳放數枝，却於節後不相宜。唯餘一種伴松柏，鵬月開花又一奇。

飲中厓丈宅

同十一月十五  
夜亮亭及二季

頽波逝水日相催，今夜偶逢笑口開。秉燭豈唯春夜事，爐頭偏好對寒梅。



季春遊大通院次明岩禪伯韻辛巳三月廿八日

香積飯成超八珍，古書名畫又留賓。詩情本自閑中熟，况属花園欲暮春。

三品藤公席上詠薔薇花四月十三日

殘春花事一番新，也有薔薇惱殺人。黄土不長埋艷骨，玉顏彷彿舊精神。

賦新綠勝花四月廿二日遊清和院

遠園新樹掩庭欄，綠膩羅帷染不乾。勝似三春紅紫色，風前何見一枝殘。

贈仲明省觀豐之竹田

十幅蒲帆梅雨天，粉榆地與海雲連。黃鷄日日使人老，莫滯舊鄉誤妙年。

贈槁本章貞七月廿四日

屈指別離垂十霜，相逢各叙舊心腸。孤舟明日山陽路，一抹白雲是帝鄉。

春晚光祿清公席上壬午三月廿五日

黃土墻高春色深，繁花尤好蔭清陰。矍鑠穩坐十分醉，真率不須擁鼻吟。

小出君某處守攝南，今茲正歲折東見。惠新詩一絕，且求賡其韵，有以蒺藜予非其人也。遲蒞。



者久之曰今其坤暄恩三字疊至三章生硬腐爛恐為作家之所嘲愧愧

初日離山照小園眼看生意滿乾坤遙思是日郡樓上居守祝君斟棋樽

南檐獨負野人暄左右圖書隨意繙忽有好風報新句光輝更覺媚衡門

彼蒼納納亦何言細草盡露無外恩自耻漫然唯食粟鞠躬盡瘁莫嫌煩

壽梅軸老人八十鵬十七日會吉弘以三宅吉安信三安宅到

故舊相逢會壽筵共歡初度杖朝年滿畦菘菜滿園

竹好向箇中作地僊

牡丹有稱桐壺者

後西院帝時出自御園實花中第一品非人間種也屬者

上皇分其兒孫賜一品親王王大悅命僕頌之未

此花木自日邊來仍入梁園和露栽源氏帖中名第一豈唯莸李作輿僮

司業清公堂前白櫻盛開二月晦日

偶扶爛醉坐斜陽鳳吹誰家如隔牆分得九重春色好一株晴雪白櫻香



見花延年再昌院法印北村季吟八十壽

詞藻共推天下魁喜聞八袞壽筵開樽前終日對花坐不識老從何處來

題畫二首澤英貞懇

長坡欲盡路茫茫層巘翳林蔽日光此裏誰人心匠巧兩山中半置高堂

堂裏何人烏帽歌不凭綵綺不圍棋定知獨對青螺髻遠水遊雲幾首詩

題孔明像甲申

管樂以來唯一人忠誠信義仰純臣掌中白羽幾曾

大火德將灰能再新

松枝映水

此中應栖地行仙翠黛攀巖不記年終日盤桓何所愛萬枝交影落晴川

遊建仁寺正傳院四月九日自岡部致恭价

苔徑紆餘樹竹深迎人恰恰有鳴禽入門香霧襲衣袂一道花開蒼蘆林

題扇

野草花開月色明青袍望舍馬蹄輕料知忽得好詩句急就故人借細評



靈山得夏字五月廿九日

龍髯年老枝成架，鳳尾影深綠遠舍。紅塵十丈城市開，好借巖房消長夏。

師尚父贊

人在沙丘長夜中，酣歌都不識元戎。誰知牧野鷹揚者，本是渭陽垂釣翁。

黃鉞白旗佐吊民，乾坤自是屬維新。胸中素抱興王畧，遺法遠傳千古人。

初秋得桐字七月十七日

園林何處占淒風，思在青燈黃卷中。未見二毛能易

感一庭秋色屬梧桐

便面小景

一條秋水綠於藍，枕岸茅茨帶夕嵐。□□偶然拋書冊，野花深處伴農談。

聽雨

恨身不在錦官城，一盞愁燈伴雨聲。追憶十年遊歷地，那堪蟋蟀耳根鳴。

千種刑部卿法，印久侍曼殊親。王宮年滿八表齒，髮尚壯嗜詩。不倦自賦壽詩一絕，以徵和于四方。文儒為次韻，以塞其責。



榮辱何曾到耳邊，逍遙自適醉中天。梁園詞客八旬，  
叟尚與鄒枚日近前。

猪飼某寄山茶花一朵，詩以謝之。十月廿七日

梅兄元占百花，先却被山茶先著鞭。金縷銀盃真面  
目，不須和雪上屏前。

祈戀 十月十九日，教學院席上，昌億可昌梅月得生院權內到小林軍尉同

偶整荆釵採白蘋，征鴻影斷楚江濱。西風日落黃陵  
廟，斑竹叢邊憶遠人。

松歷年 戊子○壽前田見設翁八十一

雲封霧罩壓岩頭，黛色經年翠欲浮。閱盡世間桃李

子一場春事一場秋

題梅畫

筆頭到處化工新，占斷孤山一樹春。姑射神人生面  
動，不須對此喚真真。

戊子三月五日自伏見易舟到大坂

一棹沿流穿彩霞，渡頭喧雜日將斜。幾多人物幾多  
地，也有小船來賣茶。

六日卒明到大坂埠頭

百里長堤一葉舟，櫓聲和夢下清流。忽從天滿橋邊  
過，行客解裝上埠頭。

紹述先生文集 卷之二十八 十一 古義堂藏



夏日偶成

白羽無權雨探湯，香羅當暑汗流漿。清風一掬藤林  
穩，又和鳥聲到睡鄉。

題畫

雲樹蒼蒼停釣舟，更無男子著羔裘。應嫌物色相尋  
到七里灘頭獨臥秋。

六月六日小堀松谷君廨圃新亭納涼

調馬場傍構小亭，隔牆梧葉十尋青。更期秋後月明  
夜來賞清光滿一庭。

十三日又到君和，前韻見示再和，謝之。今夜雨

後月色將霽，且向見求亭榜，故句中及之。

此處宜名邀月亭，亭開東面，納遙青微雲點綴，休言  
好，且看桂花影滿庭。

七月十六日觀火

京俗中元後一日，城東北諸  
山燃炬，或穿火坑，點點相連  
為物形文字，亦浮屠照冥之所為，相傳自室  
町將軍時始。京人上屋，或出鴨河濱，聚觀戊  
子歲，京大火災，及宮闕，曰移皇宮，西南民家  
將拓大內，方二三坊中，一望無礙，已及烏丸  
街，火字宛然可觀。與一二學生舍弟等閑步  
而望，目想唐世所云字舞者，舞人若干，亞地  
成太平萬歲等字，想  
亦如此，故三四及之。

青山為紙，火為墨，點綴成象物形。日暮峯頭何所  
徂，却疑字舞列唐廷。



和荅友詰生寄紅葉

昨夜新霜碧瓦寒，山山紅葉幾株殘。故人遺我一枝，錦取做綈袍戀戀看。

獨倚寒村嗅野梅

踈踈脩竹蕭蕭雪，忽有暗香撲鼻來。數箇茱萸誰是住，定知種得壓墻梅。

題正氣歌後

半壁崖山事已新，趙家文物沒胡塵。一篇正氣文山筆，羞死當時賣國人。

雪夜讀書

玉塵侵晚窗，還踈料識階。前可尺餘客，去僮眠餓鼠。噪對燈獨誦古人書。

刑部尚書藤公辱臨樊廬公時晉階銀青十二月廿七日

青綬忽臨安樂窩，定知退食自委蛇。只今誰賦高軒過，唯仰心曾星斗羅。

寄富島利真翁

攝之尼崎管内大物里隱士有富島利真翁者恬靜樂道不耽枯寂其國辛小出重元文人素識其人頃傳示其詩章見求予詩因寄之以一絕

不向塵中追勢利，豈逃物表伴烟霞。嘗知人外本無道，希聖讀書居海涯。

同諸友遊南禪寺次牧野詮孫犬韻巳丑



共歷幽林，求好詩。方逢乍暖乍寒時，盃行無算與無盡。臥看墻陰花影移。

即扇面景

三春花柳簇如雲，不見人來問此君。誰信歲寒蕭寺側，清標仍舊雪紛紛。

題梨花 三月朔松谷子席上

小梅結局春強半，又被梨花催我詩。帶雨一枝何所似，誤言出浴太真姿。

洛陽春晚

野霽告天叫晚霞，村村猶未到桑麻。洛陽兒女無所

事采采盈筐，董菜花 告天小鳥名，又曰告天子，見潛確類書。此土人云雲雀。

題枯木八哥圖 鸚鵡又名八哥，廣韻云：鸚，鳥蓋取其聲也。此土所無。今日圖。

為題

鐵衣星眼誰相伴，老樹查牙倚晚風。肉味雖難登鼎俎，莫緣饒舌困樊籠。

題子在川上圖

水流不息日歸東，誰向箇中觀色空。欲識當時川上意，看他君子自強功。

管一翁老大壽堂詩

管一翁老大嘗感異夢，夢中見西丘二字，覺而占之。夫妻共生于西年，仍設壽堂于山科山側，曰西丘求詩。



雲樹深深峯且迴，畫圖似向此中開。不須苦卜牛眠地，入夢佳山是夜臺。

掉雪齋

長棹短簑十里湖，枯蘆折倒雪模糊。任佗世上鎖金帳，明月滿天酒滿壺。

題畫

誰向回巖古木中，半間老屋倚秋風。不唯人跡不相到，一鳥無聲烟水空。

泉州訪石橋丈人

泉州民物最稱殷，况有故人素好文。是日經遊偶相

問芝蘭一徑簇如雲

和歌浦

兩峽成門倚海涯，明光勝景素相誇。天風直自南溟起，萬頃銀濤噴雪花。

席上賦平沙落雁

十里平沙一望秋，黃茅白葦滿汀洲。征鴻影斷江風惡，多少羈人欲白頭。

寒夜即事

鐵檠紙帳坐更闌，雪意欲成特地寒。聞得窗前聲藪藪，喚童急報竹平安。



寶永己丑之歲新宮成十一月十六日

嗣天子自陽明攝政第入宮馳道左右結欄許士庶縱觀日賦

德壽重華兩上皇少年天子始當陽漢官復觀威儀盛百辟後先鹵簿長

寶永己丑之歲十二月十七日

新上皇昇遐越庚寅正月十日奉葬于泉涌寺奉號曰東山院是日初昏京極街左行願寺拜觀葬儀日賦二絕呈刑部尚書藤公庚寅

二十三年雨露深遺弓今日痛民心虛名徒說長生

殿日斷蒼梧日色沉

揮戈不得更反日煉石誰能解補天料識侍臣情尤切八音過密過斯年

三月六日偶自平野過寺持院福泉菴留題

禪房花木屬春深唯聽松濤奏八音一榻爭隨幽澗竹讀書靜會古人心

絕句

五月四日得生院席上景暉及僧純慶同到

園花猶未了紅藥山鳥方今啼子規誰入南柯消白日須開北牖靠烏皮

拜

天智天皇陵

四月二十九日○山科鄉日周東有曠野俗稱御廟野新



京尹到京師者老到此郊迎自官道北行二

町許有石華表榜曰天智天皇復行二三  
無復佗物按諸陵式空域方十四町今不復  
然于戊辰之歲從先人及一老人嘗  
拜之今已二十有二年為賦一詩云

蔓草荒煙路不分松楠影老篾如雲唯餘一片蒼苔  
石尚記千年古帝墳

梅邊酌月

山月一泓眉樣新瓦溝霜凝色如銀清樽傾盡誰相  
伴却喚梅花做主人

題猪飼長孝遺像

猪飼氏之子長孝弱而恬靜  
耽文今茲罹疾而終為題其  
遺像

不隨流輩競時風少小自娛文史中花月向來誰復

賞生綃一幅傳神空

詠史

八月十四日  
荷亭主人席

揖讓干戈幾送迎朱厓黃闥乍枯榮到頭唯有一張  
紙留得丈夫千古名

江州安養湛和尚枉顧弊廬既而惠投瓊韻一

章以不及期予先人為恨賢賢之懷港于奈漫

依高韻和呈請政

秋深衡宇長榛荆飛錫惠然荷道情尚德猶餘屋烏  
愛憐佗墨行竊儒名



敗荷

曾將脂粉弄嬌紅，澤國秋深煙水空。羅袂猶餘舊時色，如今背面泣西風。

秋日，即事得桐字。

秋九月四日得生院正，淳可昌相次集于弊廬。

看過澗碧與山紅，漸覺詩情次第空。又遇秋來騎月雨，和風落盡半庭桐。

題小金山

水野丈某有米老之癖，頃得小假山，奇秀可翫，曰一友人請名，命曰小金山。

山目寄

影落維揚水底天，山容不改大如拳。鐘聲樹影舊詩料，來入明窗淨几邊。

冬夜月

大善院懇奉納

散盡閑雲瘦盡山，一鉤寒影斗牛間。雖無梧葉添秋色，也耐和梅和雪看。

題畫山水

浩渺影中浮白鷗，崔嵬缺處著紅樓。天涯地角筆鋒裏，對此終年供臥遊。

白菊

應嫌黃紫學時粧，淡掃蛾眉倚粉牆。誰道飄零金滿地，秋園剩看一枝霜。

今年八月過閏重九日菊花正盛



京洛年年秋信遲，重陽難遇菊花時。今年今日花方盛，不厭秋香一夜衰。

萼菜

新霽告天雲際啼，偶挑萼菜過清溪。沿畦采采未盈掬，飛火原頭春日西。

卯花

清標只合伴梅吟，素艷何心後九春。初訝隕星于宋野，又疑殘雪聚瓊塵。

梅影

瀟灑好將脩竹隣，冰肌和月轉精神。一枝斜壓紗窗白，

角寫出孤山處士真。

冰室

崖陰誰伐石，峻嶒藏得重重白。玉凝休道化工人，不

管盤中六月薦層冰。

前參議勘解由小路藤公侍

御瓶所插修學園紅葉

上皇親灑宸翰聖製賜和是日裝潢既成引

拜觀謹次高韻喜其榮遇

子與

十一月廿四日日野鳥丸兩公到可昌及

上苑霜楓別樣紅，一枝依舊到仙宮。不隨流水寫清



怨却入明良賡載中

霜楓一朶彩雲紅清燕詩成德壽宮奎藻爛然恩賜

渥頌歸聖主得賢中

時雨日荷亭席十一月十八

芳菲供我不多日纔到春深逐曉風為謝巫山行雨

女寒林深出綺羅紅

鷹狩

悲風衰草雪花飛原野蕭條雉兔肥公子不曾對書

卷錦袍日日臂蒼歸

庚寅之冬

上皇宮以研綿等物賜北村可昌褒稽古之勞士

庶家得內賜物蓋異典也詩以賀之

稽古多年不競名何期美譽達延英一方良研自

天賜即是安車駟馬榮

意口詩富鄭公年八十書座屏云守口如瓶防

源題此二句為偶防意如城曰六門長鎖舊

封疆已足攀綠萬慮忘昨夜家貧忽遭劫無

下動著無非是禍門直下放教如木揆青天

寓敬身之意靈雙之偈一說搞木死灰之理

一說道不待言之妙日用其題翻為二絕句



誰人嘗做小瓶子中貯羅浮一掬春封住年年成底  
事開時醉倒幾多人  
靈源滾滾誰能塞野草芊芊刈也生莫把寒灰比活  
火出門大路一條平  
至高本在至卑處未遇真時苦認真費了工夫初解  
得更無奇特耐驚人

題九連環

偶賦嘗讀僧兼好所草小說記過一邨家綠樹  
想其高趣去今三百餘年讀其遺說尚令人  
想其風聚文之相感如斯也夫客歲秋半予  
自南紀歸暮過山口驛家暫休外舖側聞中  
有童子聲曰夫人不言言必有中同伴疑訝

入店視之翁媪子女團坐而方殮旁有小兒  
對燈誦論語亦可憐也大抵世間讀書者甚  
希偶有相值者亦做足音楚然之想  
兼好所錄蓋亦同一慨為賦二絕  
綠陰掩映是誰廬中著閑人坐讀書不識何時亦何  
處高風千載轉躊躇

爺孃同守破殘亭童子就燈誦魯經恨殺錦衣貴公  
子笙歌羶葷不曾醒

次井上章達武城遇元日韻 辛卯

乾坤生意一般新遙想武城春色醉鶴髮雙親千里  
外音書須使到頻頻

奉謝

紹述先生文集 卷之二十八 三石齋藏



準后一品大王賜綵箋

恩榮新見楮先生觸手瑩瑩雪色清後是幽窓殘雨  
外應聞蕉葉聽秋聲

贈小山生之凍行

客路預期風日晴好詩應自馬頭生忍看槁畔垂楊  
柳只解送人不解迎

便面小景

山重水遠鎖煙霞數箇茅茨沿岸斜這裏有人知古  
朴來間擬共話桑麻

書扇頭

暑如酷吏汗如漿幸沐仁風憇竹床莫恨弄捐秋篋  
底人生且暮有炎涼

題子路負米圖

百里間關負米歸歸來菽水娛親闡料知季路當年  
志絕勝萬鍾積粟時

秋扇

勸公席上  
七月三日

紈素手中太有情不堪邊雁喚秋生依稀尚見秦王  
女鸞馭彩銷獨奏笙

即事

萱花籬落秋初到柳葉園林雨未晴袞袞人從塵裏



老沉沉詩伯靜中成

公月二日河邊即事 辛卯

一帶清泉西岸燈秋風滿髮倚枯藤平生未在他鄉  
客此意不同張季鷹

菊似霜 十月七日 勤公席上

籬底秋光欲盡天數枝傾倒尚嫣然晨霜滿砌未消

却玉藥同看一樣妍

圍爐得沸字 十月十七日同上

一榻蕭然無長物耳邊靜聞瓶笙沸此時唯須引麪  
生底事長齋向繡佛

殘螢

野叢深處巧潛藏時向幽陰弄燭光豈止大陽不相  
近飛飛十月奈清霜

岩倉古刹

老木壽藤無四時岩倉古寺壓層崖當年誰是布金  
地今日淒涼却入詩

河南樓丈自賀之金澤來見寄一詩回酬謝其  
情

斯文千古永相通究竟工夫怨與忠自耻異聞無可  
語多年漫學濟南風



小出一亭丈人自信之飯山見寄一詩次其韵

謝答

洛陽秋後屬寥寥定識山中落葉鏡望斷筑摩川上

月一封雁信白雲遙

登朝熊岳

平岡漫阜綠重重線路一條樹隙通始識身登最高

處諸山垓視寸眸中

自牧村到久居鎮

左望連峯右茂林筍輿軋軋破清陰此間風物殊清  
美不異洛陽郊外吟

題畫二十詠

夢尋佳境到三吳一朶飛來入畫圖終日神遊吾亦

足不須著雁上崎嶇

何人曾宇海如空萬頃藏歸盈尺中莫與四休居士

看扁舟應直駕長風

溪山何處鎖幽芳翠羽翹翹淡月黃彷彿暗香天外

動生綃一幅是羨墻

欲聽鏘鏘不自由渭川千畝漫神遊兩三箇綠幽巖

畔画取應誇萬戶侯

嘗隨徐老下塵寰底事漫將比白鷗華表千年去無



忘暫留仙貌住人間畫鶴

錦毛寫就運精神占斷宣和殿裏春玉輦長隨虜塵

沒空為名畫傳中人畫鷹

歲寒節操立今聞虛左幾年久候君相對徂徠山上

綠恍疑坐上起蒼雲畫松

九日衣裳當薄寒有人紙筆獨凭欄紫袂今日典刑

在畫取一枝仔細看畫菊

名手從來推戴高画成黃犢臥東風休為偷去亂真

贗眼裏定應着牧童畫牛

玉勒金鞍嘶北風宛然當日玉花驄有人尚買千金

骨何況龍眠奪化工畫馬

偶借松筠呈素明又遭星月助寒清清高一設描難

寫與洛陽高臥客評畫雪

卓午庭欄花正披猫兒睡着眼如絲應嫌開落無多

日長住屏間占四時畫牡

靈物蜿蜒大空蟠黑雲逐雨坐生風憑君點眼莫容

易也怕飛騰驚葉公畫龍

誰形白額託丹青忽駭目光如鏡熒寄語庸工莫妄

寫却嫌類狗敗威靈畫虎

新蕉葉葉掩山堂綠蠟初乾扇樣長恨殺不憑摩詰



手細勻玉屑點蒼蒼畫芭蕉

不寫流民鄭俠圖畫成峻宇爛丹朱終年對此嬉遊

者肯信茅茨雨腐無畫樓閣

王謝堂前秋意新雙雙燕子落梁塵不隨同侶渡南

海長入画图伴主人畫燕

經年胡蝶嗅花枝知是滕王筆到時當日經綸何所

寄徒留毫素供清嬉畫花

仙風不是世間人一氣嗟中現己身今古何曾會相

遇毫端幻出獨為真畫仙翁

戲調鸚鵡倚殘春半額烏雲畫樣新尤物移人今古

是真教癡子喚真真畫美人

准三宮一品大王新製詩囊見賜漫賦一絕奉

謝壬辰

梁園意匠錦囊鮮堪可奚奴背上懸紅綠川原行樂

日愧無長吉筆華妍

松下兩叟觀卷圖

孤松影老伴盤桓古樣風標古樣冠知是柴桑陶隱

士歸來辭就與人看

荆亭藤公子父子造謁已三世矣今茲壬辰羽

林公蒙示新正位謹和高韻以呈



縉笏雍容侍玉宸，千門霏色泚光新。  
詞華偏喜家聲遠，占斷長安城裏春。

甘白詞仙席上卒和主人韻時紅梅盛開

二月廿九

日甘白者京尹記  
堂松崎祐之也

曰君幸不負韶光，吟對小梅媚夕陽。  
一醉留連相映處，胭脂雨濕試新粧。

題扇面畫梅

花光三昧有誰知，寫上扶疎一兩枝。  
這裡休將羞管美，恐隨飛雪共紛披。

寄松祝

不愛雜花紅滿園，蒼松夾路自成門。  
繁柯無改四時色，應待仙禽長子孫。

奉和勸解由小路藤拾遺光公韻

遠延野綠物花新，亭館占幽紙水濱。  
世濟今看詞藻美，奇花好鳥幾回春。

送小堀松谷子之東觀

征鞍已背鶯花去，回日恐看秋葉飛。  
莫滯時光供景，膝兒童且待細侯歸。

東梅翁八十八壽和韻

蝦身長伴杏林仙，八十過來又八年。  
會見蟠桃花幾



度地隣養老湧泉邊

特生竹畫

一竿寫出老東坡憶昔渭川漁綠波始識此君真面  
目扶踈寒影不須多

岡島可完生世家于綴喜縣之山内村農圃之  
暇好讀書其志亦可嘉也日賦一絕以贈之云

雨餘候鳥弄春聲牛角掛書時輟耕不似長安城裏  
客利奔名走日營營

題画山水圖

日賀州武職  
青地氏之懇

水光明滅閃斜暉老樹臨波怪欲飛天際孤帆撥樣

小櫓聲欲向白雲歸

又

高杉危塔倚崔嵬面面峯巒面面臺應有幽人未綴  
自征鴻遠水影徘徊

早春漫書

歲晚吾非奔走人春回不是拜趨身圖書三百六十  
日喚做清時一逸民

賣花翁

分來千紫萬紅春十字街中告與人那識賣花擔頭  
色不比枝上活精神



秃筆

百戰勳功盈五車中書君已不中書而今世上貴年  
少唯有林翁問不踈

泉州垂裕堂八景詩

梅所主人泉南之士豪也世貫于日根縣之依野其

所居正堂曰垂裕山海邑之勝接于左右者或遠而攬之或近而領之嘗設景目第為八題客歲三韓詞客來聘主人巧其學士書記等各求序詩已得三數卷矣亦未徵于子雖未造其居嘗遊于紀泉之間畧得其景勝之大樂日就題撰詞以塞其責後世有修郡乘者知必供一故事主人之好何其雅也

葛城峯

葛城疊翠劃遙空千朵影連茅海東東畔雲烟西畔

浪尋詩人坐畫圖中

淡路島

淡島清奇今古傳晨霏夕靄逐時妍羨君當面構亭  
子影落明窓淨几前

茅渚海

積水天南不可窮四州翠黛有無中扁舟曾向此間  
泛勝境時時清夢通

武庫山

螺髻層層壓海涯神蹤千歲閱烟霞終年對此多詩  
思接近誰成小隱家

紹述先生文集

卷之二十八

新刊



日根野

邑屋鱗鱗宸小丘嘗聞玉輦促宸遊  
艷魂不與彩雲化露草烟篁滿野秋

吉見里

崇阜迴溪又一村知應有路入桃源  
莎衣不被紅塵染日課桑麻長子孫

興津崎

茅海一灣沙際津遊雲芳樹媚青春  
何時更擲埋頭冊且就漁船買錦鱗

佐野浦

帆腹飽風刺木輕舟人泊此候潮生  
邑多程卓素封富誰化武城玄誦聲

次瀧重永韻

回郊晚色屬秋晴新月一鈎當屋明  
遙想高人環堵裏攜幼獨會古賢情

寂光瀑布

日光山八景之一

峯尖松暗白雲迷雪瀑半巖懸欲低  
料識山僧長對看不知霑却黑迦黎

花友

綠野芳原到處春短簫長笛看花人  
一瓢傾盡不相



識共臥青青當錦茵

十日菊

九月十七日

衆芳凋盡獨分明節去偏憐別樣清典午山河非舊物只看五柳老先生

夜泊遇雨

徹夜船窗足雨聲一燈遙認是州城依稀半記歸家夢夢覺時聞柵鎖鳴

題籃盛土筆圖

毛生老去竟辭秦雨隴烟畦管領春孫子而今四方遍籠盛耐可遺詞人

題小畫

菰蒲短短水衣生馬上看山溪上行應自落花深處過殘香帶蝶四蹄輕

夏日訪朴所藤公堂前紫薇花盛開

嘴間好接野人家路入萬竿脩竹斜分得紫微省中色退公仍對紫微花

題瀑布圖

巨靈手抉絳河開瀉向白雲層裡來一笑扁頭癡態在慙慙引我坐天台

春夜得渡字



春宵些暖意欲雨料識千村催花樹  
芒鞋明朝溪山隈誰喚扁舟問野渡

春雪 二月七日 日予野

飄去誤穿紗牖入積來難使麥畦平  
仍看散亂鵝毛白未伴顛狂柳絮狂

慰谷津生在京聞妹 戊戌

嘗隨書劔別家鄉忍聽蔡琰新掩粧  
莫道天南雁飛盡好將無恙報爺孃

即席 五月廿四日得生 院席遇芥朝二丈

偶來竹院罄清歡梅潤乍晴泥未乾  
屈指舊交多不在相逢各自慶平安

在相逢各自慶平安

秋雨晴 八月得生院席 上分韻得淒字

秋來風雨易淒淒雲罅殘陽日又西  
漸覺香羅不堪著槿花籬下草虫啼

八月十四日湖上晚歸 遊如來氏宅

湖天空濶浸秋晴待看峯頭新月生  
兩岸青山隨棹人從思訓畫中行

秋日懷舊

當年事業託遺文北山山高一  
片雲百歲須臾人換盡黃花不改舊時薰



絲... 卷之... 七... 八... 九... 十... 十一... 十二... 十三... 十四... 十五... 十六... 十七... 十八... 十九... 二十...

題畫 癸巳

柳條雨歇綠初乾，鳴罷鴉鵲樓未安。為問山前千萬樹，好花今有幾枝殘。

扶桑花，即佛素花也。產于琉球國，槿之屬。而葉類素，夏秋之間開花，色最殷。有一長葉出于花瓣之外，朝開幕，萎性尤怕寒，亦異卉也。天台願

王院自薩州得之。

葉如桑葉，綠尤繁。花似槿，花色特丹。聞說南方多異物，偏知此土養成難。

九月十三日圓覺僧坊觀月，今韻得寒字。

佳月未成金餅團，雨餘衣袂帶些寒。鬢絲禪榻非生客，一盃今宵又盡歡。

小畫

獨怜竹裏著茅茨，正是夕嵐初霽時。當戶雙峰看不厭，支頤誰賦對山詩。

題畫馬 越前 蟹生 馬淵氏 題

曹生當日運精神，貌得花驄不讓真。霧鬣風鬣餘逸態，何須濡筆寫全身。

酬謝仙臺田邊文學見寄

三千雲水路悠悠，雙鯉難期達帝鄉。松島阿川天下

詔述先生文集 卷之二十八 菅原長義藏



勝誰能縮地，慰惆悵。

松間磴

面磴危亭，宸翠巒好，攜黃卷。此盤桓無人，画得廬山，遠挂杖看雲，松露寒。

厭離菴

樹陰路盡，遇佳園，蟠竹周圍，結小藩，除却塵緣，除不得有人，得句扣松門。

雪意

十一月四日  
松谷子宅

酸風鱗面凍，雲橫忍聽。牆東竹，戰聲又恐明朝尺餘，雪無人，戴酒訪表生。

赤壁

三分書社識周郎，前後賦中思。玉堂塊，往漢江雲萬，疊清風明月，此宵良。

題游魚圖

重久氏求

濠梁春暖水生瀾，同隊相追意自安。何處潺湲不堪，樂莫貪芳餌，上長竿。

題畫

葦枯秋色一般新，向暮更無呼渡人。閑却沙頭釣魚，艇自由宿鷺覓遊鱗。

高槻粉堞

名迹先姓

卷之二十八

高槻粉堞



危樓影與白雲齊，天末平蕪望欲低。千古興亡牛首，淚半輪殘日朶峰西。

偶題

兩獲兩臧五弟兄，更無百畝可供耕。團團不說無生，活滿耳朝經暮史聲。

席上題畫鷄

甲午

十載書窗對古經，啾啾長伴一燈青。須臾日觀峰頭，曙叫落滿天無數星。

庾亮登樓圖

五月六日廿一日子席上

當日元規冠輩流，欲將雅望服神州。不知人郭避塵。

扇漫倚南樓三五秋

烏硯詩

中井至水氏嘗藏烏研一校，巧先人銘，既老以下小堀松谷子從先人學，贈之，松谷子簿領之，暇時時講論文學，頃出而歸，子俾跋其後，吁，回顧已二十餘年，研亦死，然物是人非，曷堪感懷，為錄一絕，予後兼寫箴戒之意，去。

烏研一方巧琢成，玄雲撥處筆蹤橫。定知甲是乙非，地山判不移水樣平。

濃州大垣鎮，松野可有翁。今茲齒登七袞，未得

面，回表第章達見徵。一詩聊裁短述，以奉祝云。嘗住芥洲縹緲間，暫辭僊籙在人間。人間甲子初成亥，眉壽何須餌九還。

名述先姓家集 卷之二十八 詩五 古體 雜錄



庚子甲午中秋積翠池分題得閨怨

露乾梧葉報秋聲，停繡慵聞絡緯鳴。  
白艸寒前多少路，知應隴月照人明。

小倉堵飼氏園八景

山擁塘迴大若湖，忽看霽月射枯蘆。  
憑誰好倩丹青手，一顆明珠墮玉壺。

廣澤秋月

滿蹊躑躅滿蹊春，微雨夜來將墊巾。  
細徑穿山纔一髮相逢多少覓詩人。

鳴龍夜雨

朱買臣贊

豈止炎涼世態新，行歌難挽薄情人。  
欲知當日繡衣客，元是負薪朱買臣。

春夜席上作

不將烏帽冒紅塵

歲月蹉跎又值春，贏得風輕雪霽後連床清話對高人。

閨怨

遠書猶未報歸鄉

古鼎香銷月轉廊，寶瑟十年誰為拂欲彈金雁不成行。

絕

戊戌仲春八日松谷子仲子始授孝經為賦一

相識已餘二十年

碧梧翠竹已森然，將何今日為君。



贈一卷孝經淨九邊

花有歡色

清水英安母氏六十壽

君家有藥解長生，是日滿堂絲竹聲。浩蕩春風未成雨，紅花偏向舞人明。

春初造蘭化齋

乙未正月十八日

春寒風雪拂天衢，深院依然柳一株。架上楞伽看未盡，清茶待客喚驅烏。

乙未之秋八月廿五日大明准后歸休山階舊

院同北村可昌等造謁次可昌席上韻奉呈

十歲經營城外山，雄巖虬木有餘閒。決然拋却人間

世鶴駕逍遙，是日還

藍輿穿破幾雲山，千里故園落得閒。自是梁臺尋舊事，又應賞月看花還。

田園四時雜興

喬木在門竹落斜，春渠水長遠村家。溪南十畝初耕遍，也就低田種菜瓜。

東菑遺餉倚柔陰，梅子如彈秋似針。雙鷺聯拳窺水淺，歸牛浮鼻怯溪深。

矮籬風壓牽牛掛，老屋雨蒸木耳生。戶戶明燈催夜作，村村喧鼓賽秋成。



蘿菴上場黃橘新野人生計未全貧公租初了去年  
債且煖濁醪請四隣

誓願寺內絳雪軒玩紅梅丙申閏二月廿日松谷子北可昌同到

姑射神人冰雪肌嘗隨王母飲瑤池歸來逢著僧房

裏殘醉倚春求我詩

春日遊妙光寺三月六日松谷子見携

丞相遺蹤稱妙光偏知紅紫別般芳山間小謝林間

竈杯酒留連引興長

奉次光祿藤朴所公高韻二首

地公密通九重天劍佩趁朝知幾年行藥好將調鼎

手品題翠竹白沙邊

南家世族獨馳名文字卅年荷厚情二道斜封緡素

面驚回濃睡玉溪生

彌山神鴉

一拳螺髻渺茫中老樹周遭天女宮又有神鴉能報

吉舟行長卜去來風

松谷子令嗣始授魯論

素知玉樹殖階庭已見八年授魯經為祝後來成偉

器徂徠山上翠亭亭

霍溪丈人病愈見招席上喜賦



造化小兒惱了人，令君辜負洛陽春。清泉佳月多餘興，一榼自斯應日親。

題高力士扶醉李圖重久生求

嘗倩將軍扶醉，回金花片片向瑤臺。漢皇不會凡人言，勾引漁陽鼙鼓來。

曰州聽松翁過訪，見寄一絕次韻酬謝

不是行吟學楚些，一筇得得帽紗斜。門前剥啄喜君到，誤比草玄楊子家。

宮詞

絳河影自斗間流，南內淒涼碧樹秋。舊賜羅衣今退

色解來，且向篋中收。

老蒼園詩

服常藩儒臣淡泊安君之名也久矣而未面屬者媒日州藤刺史蒙徵寄題其別墅野濱湖而多梅名曰老蒼園為賦一絕

湖色侵簷別樣奇，冰條影瘦媚寒漪。半宵清夢十洲外，吟到參橫月落時。

小石假山一座青質白章宛，狀富茲名曰不二。

石或來請詩，回題云丁酉

天畔亭亭擎玉蓮，金枝翠羽降飛仙。飄然直欲從之往，偶坐分明現一拳。

賦梅得疎字二月十一日秋興堂



終身先生文集卷之二十八

一帶林塘月上初梅梢弄影轉扶疎數枝和雪誰相問勾引騷人驅蹇驢

題誓願寺紅梅寺有和泉式部墓二月十日北村氏到

黃土美人消息空又隨芳草怨東風殘粧不入楚宮

夢一朶綵雲明梵宮

森下昆季席上丁酉四月廿二日

華頂一螺眼底款囊中日日有新詩休嫌難者東山

履烟樹糝糊雨亦奇

題陶元亮圖北隣萬氏懇

故園三徑無人管歸去來兮思浩然采菊東籬聊復

爾千年長做畫圖傳

菊花盛久戶塚遠江目母氏七十壽

誰鉏間地向陽栽淺紫深紅續續開嘗與芙蓉交割

罷却回又接早梅來

鶴宿松樹同上外姑七十壽

衆卉紛紛競艷陽黃鶯紫燕一時忙歲寒誰是長相

伴松頂僊翁翎似霜



紹述先生文集卷之二十八

名述先生文集卷之二十八



